

affectat. Quorsum referimus omnia calida spirituosa sulphurea, sanguinem discursivo motu actuantia ac animi vehementiores commotiones, quæ in sanguineis fluxibus concitandis insignem habent potentiam. Præcipue autem tentantur hoc fluxu, qui longas habuerunt viscerum obstructions, splenis tumores, febres diuturnas passi sunt, quique hac ratione sub febrilibus paroxysmis discrasiam acidam viscidam sanguinis viscerumque atoniam sibi contraxerunt. Itidem qui hepate laborant & affecti sunt, & vno verbo omnes hypochondriaci quique sanguinem crassum & copiosum generant & corpus minus perspirabile & pervium habent. Talismodi obstructionibus partium, quæ sanguinis depurationi & subtilisationi serviunt, multæ accumulatur fordes pituitosæ & viscidæ, quæ corpus gravant & premunt, sanguinis liberiores ventilationem & motionem impediunt, & sic causam effectricem effrenis hæmorrhogiæ quandoque subministrant. Ultimo disponunt quoque ad hæmorhoides alvi scybala diutius retenta, quæ, dum distendunt intestina, sanguinis fluxum & refluxum quodammodo morantur & sub exitu duritie sua vasa ani lædunt, atteruntque. Eandem ob causam *Hippocrat. & Solenander sect. 4. Cons. 20.* equitationem & vectionem ad hunc fluxum disponere scribunt. Vocis concitationem, dum violentia deorsum movetur sanguis, incommoda etiam hæc promovere docent *Ephem: D. 2. A. 3. obs. 226.*

VII.

Præfagiunt autem dispositionem effusionis sanguineæ per hæmorhoides dolor & ardor lumborum & maxime sinistri hypochondrii, pondusque in ipso, ructus